

Liyebisi mpona lisungi ya biloko mpe lialisi na mobembo ya kozonga mboka mpona mabota oyo bazali na bana ya mike bayambami na mokano ya Arrêté Royal ya 24 juin 2004

Ezali nini lisungi ya biloko mpona mabota oyo bazali na bana ya mike kasi bazali na evandeli endingisami te ?

Kobanda na 2004, mibeko ebongisi lisungi moko ya sikisiki mpona mabota oyo bazali na bana ya mike kasi bavandi na Belgique na ndenge endingisami te. Lisungi yango **epesamaka kaka na kati ya centre ya boyambi bato** oyo ezali polele mpe etambwisami na Office ya ba Etrangers na boyokani ya mosala ya bango na Fedasil.

Lisungi yango ezali oyo babengaka «lisungi ya biloko », ya mosolo te. Ezali **esika ya kovanda na kati ya centre ya boyambi bato ya communautaire**. Mikolo nyoso oyo okovanda kuna bakotala malamumu mpenza evandeli mpe santé na yo, koliya na yo, mbongo na yo ya kosimba na maboko, mpe lialisi mpona kozonga na mboka na yo soki yo moko olingi.

Ndenge nini okoki kozwa lisungi yango ya biloko ?

Mpona kozwa lisungi yango ya biloko, esengeli okokisa makambo **minei** oyo :

- Mwana na yo asengeli azala **na nse ya mbula 18** ;
- Mwana na baboti na ye (to mikolo misusu oyo bazali kobatela mwana) bavandi na Belgique na ndenge endingisami te ;
- **Kindeko** to **bokonzi ya kimoboti** esengeli ezala ;
- **Mwana azali mobola** mpamba te moboti to baboti na ye to bato oyo bazali lokola baboti na ye bazali na makoki ya kobokola ye te.

Ndenge nini okoki kosenga lisungi yango ya biloko ?

Kosenga lisungi yango esengeli esalama na CPAS ya **commune epayi ovandaka**.

Mosala ya CPAS ezali mingi-mingi ya koyamba esenga na yo, koyebisa yo lisungi ya biloko ya ndenge nini okoki kozwa mpe ndenge nini bakoki kopesa yo yango, mpe kotala malamumu soki okokisi makambo nyoso oyo esengeli mpona kozwa yango.

Soki mwana akokisi makambo nyoso oyo esengeli mpona kozwa lisungi yango, bakotinda ye na libota na ye na centre ya boyambi bato. Yo moko okoki kokende na centre ya boyambi bato ata moke te.

Okoki kosala nini soki Fedasil elobi epesa yo evandelo ?

Soki CPAS ayambi mokano ewuti na Fedasil ya kopesa yo evandelo mpe azwi mokolo ya rendez-vous na service ya Dispatching, akosenga yo **okoma mokanda ya kolakisa ete ondimi** mokano yango ya kokende kovanda na centre ya boyambi bato.

CPAS akopesa yo **copie ya mokanda** yango oyo elakisi ete ondimi evandelo oyo bapesi yo. Soki mokolo oyo ebongisamaki mpona kokende ekoki, mwana elongo na libota na ye basengeli bamema mokanda yango na invitation ya kokende na service ya Dispatching ya Fedasil.

Okoki na yo mpe **koboya** evandelo oyo bapesi yo, kasi esengeli okoma yango na mokanda. Soki oboyi kosinyé document elakisi ete oboyi kondima evandelo oyo bapesi yo.

Ndenge nini okoki koyeba centre oyo esika lisungi yango ekopesamela yo?

Soki ondimi evandelo oyo Fedasil apesi yo, esengeli okende na Service ya Dispatching ya Fedasil **kobanda na mokolo oyo ekomami** na mokanda oyo CPAS apesi yo tii na mikolo ntuku misato (30), kasi eleka te.

Soki okomi na Service ya Dispatching, bakopesa yo nkombo na esika ya centre oyo yo na mwana (to bana) na yo bokoki kovanda.

Na mikolo oyo, lisungi ya biloko epasamaka kaka na centre ya polele ya baye bazali kozonga mboka. Centre yango ekambami na Office des Etrangers na boyokani na bango na Fedasil. Kuna bakosalisa yo soki olingi ozonga na mboka na yo na kati ya mikolo oyo ekomami na Lotomo ya Kobima na Mboka.

Okoki na yo koboya kokende na centre oyo batindi yo, kasi soki koboya yango elingi koloba ete oboyi mpe kozwa lisungi ya biloko.

Na bongo, na nsima ya mikolo soki olingi lisusu kozwa esika ya kovanda na centre ya boyambi bato, esengeli osenga lisusu lisungi yango na CPAS ya commune epayi ovandaka.

Likebi ! : Na service ya Dispatching osengeli kokende elongo na bato nyoso ya libota oyo bazali na dossier ya lisungi wana, ata na bana ya mike. Esengeli komema mpe mokanda ya mokano ya CPAS, mokanda ya invitation ya kokende na Service ya Dispatching mpe na copie ya mokanda ya kolakisa ete ondimi evandelo oyo bapesi yo.

Mobembo ya kozonga na mboka esalamaka ndenge nini?

Soki okomi na centre ya baye bazali kozonga mboka, mosali ya Fedasil na oyo ya Office des Etrangers bakoyebisa yo makambo nyoso etali bozongi na yo. Yango ezali mpe na kati ya lisungi ya biloko oyo epesamaka na mabota oyo bazali na bana ya mike kasi bazali na evandeli endingisami te. Soki esengeli, mobongoli-lokota akozala wana mpe mpo asalisa yo ososola malamumu nyoso oyo bakoyebisa yo.

Mayebisi oyo etali mobembo ya kozonga na mboka ekomami na document moko oyo moto nyoso ya mokolo na kati ya libota asinyé yango. Document yango eyebisi polele ete:

- Libota eyebi ntina ya mobembo ya bozongi na bango na mboka mpe nyoso oyo ekolanda.
- Office des Etrangers endimi kozwa mokano moko te mpona kobengana libota na ntango ya mobembo.
- Fedasil endimi kopesa evandelo mpe kosalisa na ba démarches.

Moto nyoso ya mokolo na kati ya libota akotondisa fiche na ye pe akosinyé yango.

Soki osengaki ndingisa ya kovanda na Belgique mpe nano ozwi eyano na yango te, ba services ya Office des Etrangers bakotala yango liboso-liboso. Bakoyebisa yo mpe nyoso oyo ekoki kosalama mpona yo soki oponi kozonga mboka.

Na ntango ondimi mpe osinyé mokanda ya kozonga na mboka, Office des Etrangers ekobakisa mikolo oyo bapesaki yo na Lotomo ya Kobima na Mboka. Bakobakisa kaka mikolo oyo esengeli mpona kobongisa mobembo na yo ya kozonga na mboka.

Kozonga mboka na mokano na yo moko esengeli esalama na kati ya ntango oyo ekomami na kati ya Lotomo ya Kobima na Mboka. Soki ozwi mikakatano oyo ewuti epayi na yo te mpe okoki kosala eleko te, okoki kosenga lisusu babakisela yo mikolo. Mpona yango esengeli kokoma mokanda mpe kotinda yango na Office des Etrangers.

Nini ekosalama soki mobembo ya kozonga mboka esimbi te?

Soki mikolo bapesaki yo mpona kobima na mboka esili kasi bandimi kobakisela yo mikolo te ndenge osengaki, mpe osinyé mokanda moko te mpona kozonga na mboka na mokano na yo moko, Office des Etrangers ekozwa mokano ya kobimisa yo na makasi. Kovanda na yo na centre ya polele ekosuka.

Ntango nini kovanda na yo na centre ekokoma na suka ?

- Soki ozwi ndingisa ya kovanda na mboka Belgique ;
- Soki opni yo moko kozonga na mboka na yo;
- Soki batindi yo na ndako ya Office des Etrangers mpona baye bazali kozongisama na mboka ;
- Soki olongwe na centre ya boyambi bato.